

卷 一

临幸盛典

我国家诞受天命，百年於兹，列圣重光，德化翔洽。皇上绍膺大宝，文治昌明，崇礼官，考制度，麟麟炳炳，与唐虞三代媲隆矣。岁甲子，亲临院署，隆仪茂典，遍及儒林，往牒所传，罕有伦比。维时臣鄂尔泰、臣张廷玉实掌院事，恭逢大礼，庆成，顿首入谢。伏念翰林地望清华，古称荣遇，累朝掌故，宜有完书。虽在唐有李肇《翰林志》、韦执谊《翰林故事》，在宋有苏易简《续翰林志》、陈騵《馆阁录》，在明有黄佐《翰林记》诸家撰述，各著於时，然或专载一朝，未晰端委，且从来见闻所及，盛事美谈，至我朝为尤备，因请裒集成编，以扬庥光，而表鸿懿。旨允行。臣等退而敬率同官，甄综故实，分类排纂，曰《临幸盛典》、曰《官制》、曰《职掌》、曰《恩遇》、曰《艺文》、曰《仪式》、曰《解署》、曰《题名》。统著之曰《词林典故》，为卷凡八，厘次以进。惟是圣驾俯临，宜归恩遇，而特详书典礼，冠诸简端者，一以志古今未有之殊荣，一以纪编辑兹编之缘起，皆于是乎在云。

乾隆八年冬，上以翰林院署岁久倾圯，诏颁太府金重加修葺，命户部尚书臣海望、工部尚书臣哈达哈、户部侍郎臣三和董其役。越岁迄工，若门、若堂、若厅、若亭、若垣，黝垩丹雘，严翼崇闳。九年十月，御书“稽古论思”、“集贤清秘”二额颜其堂，并

赐《古今图书集成》一部贮宝善亭，敕所司 敬吉日送掌院大学士进院，上亲临锡宴，先期礼臣具仪注以闻。

二十七日庚午大昕，车驾出长安左门，设鹵簿，掌院大学士及翰林官俱彩服集院门外跪迎乘舆，大臣奉引前导。车驾入，诣先师祠行礼，有司预入，设御席于后堂中，宝座前，南向，设掌院大学士及分韵诸臣席于堂上，其余以次设于东西廊及左右阶下，俱东西向。乐部陈中和韶乐于东西廊下，陈中和清乐于东廊下，陈丹陛大乐于敬一门之旁，俱北向。有顷，中和韶乐作，奏隆平之章，上御吉服升坐，乐止，丹陛大乐作，奏庆平之章。掌院大学士率群臣左右阁道人，至阶下行礼，如大朝仪，乐止。群臣诣坐次，一叩首，坐。丹陛大乐作，奏文物京华盛之章。上进茶，群臣就坐次，一叩首，乐止。侍卫授群臣茶，行礼如前，饮毕亦如之。尚膳，移御膳近前，中和清乐作，奏玉署延英之章，上进饌，乐止。承应上陈唐代十八学士登瀛洲故事，有司以饌分授各筵。承应止，乃撤尚膳，复进御宴席，兼设群臣宴。掌仪奉台盏及壶卮由中墀进，丹陛大乐作，奏延阁云浓之章，群臣俱起立，掌仪进至廊，东西向立，酌酒进爵，大臣出班跪，群臣毕跪。掌仪以台盏授进爵，大臣恭进御前复跪。前所上进酒进爵，大臣一叩，群臣皆一叩。进爵，大臣起，至御前受台盏，下复跪，掌仪跪接而退，群臣起立。掌仪以金卮酌酒立，赐进爵大臣，进爵大臣一叩钦毕，掌仪立取卮退，进爵大臣再叩。兴退乐止，群臣皆坐。承应上陈唐代晦日幸昆明池百官赋诗故事，上召大臣以次至御前赐酒，咸跪饮，一叩首退，侍卫分授群臣酒，行礼如赐茶时，复坐。承应止，丹陛大乐作，奏庆平之章，大臣暨群臣起立，趋阶下谢宴，行礼如初。乐止，中和韶乐作，奏显平之章，群臣皆退。仪部恭导上至斋房更衣，驾出，掌院大学士率群臣于院门外跪送，礼成。

方宴之初设也，扶桑旭日，才上觚稜，沆瀣珠光，犹盈仙掌。皇上升黼座，顾辅臣而言曰：“时当阳月，和煦如春，天心忻洽，朕

与诸臣交庆之。”群臣咸顿首称贺。奉旨重葺翰林院，落成，车驾临幸大锡宴，送大学士鄂尔泰、张廷玉进署，以张说“东壁图书府”五律字为韵，赋东字、音字二首，敕诸臣各分一字赋诗。上又念人数为字所限，未能遍及从臣，命复赋柏梁体一篇。上首倡，诸臣依次分韵，俾凡籍翰林及既改官晋秩而旧为翰林者皆与焉，总百六十有五人。当承应上时，上举十八学士登瀛洲事，顾大学士臣尔泰、臣廷玉曰：“卿等无愧房、杜，顾朕弗逮唐太宗耳。”二臣惶恐，避席奏言：“陛下上法尧、舜，过唐太宗远甚。臣等庸劣，亦思孜孜日赞，少效交修之责。然限于才力，愧出房、杜下，有负圣谕。”因顿首谢。上又因昆明池赋诗事谕群臣曰：“翰林之职，虽在文章，要贵因文见道，尔诸臣当明体此意。”群臣竦然敬听，复顿首谢。宴毕，赐《乐善堂全集》、《性理精义》各一部，及名茶、文绮、笺绢、时果有差。群臣趋出，候驾于河堤之东。日未移晷，尚书公臣讷亲捧御制七言长句四章宣示命和，则上又于更衣次所走笔立成者也。群臣跪诵于金和玉节之中，寓明良一德之旨，相与惊叹，以为天纵化神，从古帝王所未有。驾出，钦承天语，戒谏崇实于末章，深致意焉。

御制得东字：“抚序权居北，占星壁在东。斯干歌翰苑，于乐邕儒风。改殿当年毕，登瀛此日同。三台司道筭，二老亮天功。乐具卿云奏，筵开湛露融。底希光旧史，长此赞微躬。”

大学士伯臣鄂尔泰得壁字：“稽古鉴冰渊，集贤逮珠砾。清銮一幸临，曲宴重申锡。湛湛露零萧，煌煌云拂翟。聆言发群蒙，望道生微的。愧切亮天功，感深维帝绩。濡毫纪玉堂，揆藻雕琼壁。”

学士伯臣张廷玉得图字：“卿云笼玉署，黼座启萝图。砖影迎天步，金声仰圣谟。龙文成五采，虎观拜诸儒。襄赞臣何有，赓随帝日俞。宴歌鱼在藻，诗叶凤鸣梧。两世桓荣席，扞感愧俱。”

大学士臣福敏得书字：“瀛海通仙岛，蓬莱近帝居。经营命将作，师济集华裾。吉日鸣銮辂，彤云丽玉除。歌诗传汉体，揽藻迈唐初。典以丝纶重，贤从棫朴储。皇哉文治蔚，金管不胜书。”

大学士臣陈世倌得府字：“凤沼构新模，金根临秘府。昭回斗极瞻，揽丽天葩吐。署榜焕宸章，肆筵优上辅。赓歌遇益隆，式宴恩尤溥。芸馆得师资，纶扉惭步武。瑶编盛事传，泰连符三五。”

大学士臣史贻直得西字：“延阁崇华构，丹楹焕碧题。五云承玉辇，六驭下金闺。珠树闻鸾嘒，梧冈有凤栖。晷黄汉诂拟，飞白宋宁齐。清漏因风远，馀香满袖携。皇仪俨升日，鹄伫御河西。”

礼部尚书臣任兰枝得园字：“蓬观辉文栋，儒风振礼园。肇临承宠渥，宴锡拜恩蕃。领署荣朝宰，斯文仰至尊。翰林华盖近，仙榜紫雲囿。地有储材重，庭沾纬露繁。侍宸曾旧忝，燕贺喜同伦。”

兵部尚书臣彭维新得翰字：“玉河鳌柱凝，冰署翬飞焕。法驾此经临，录图仰总贯。晴晖丽广楹，天藻瞻层汉。褒袞鼎台荣，饮和卿士衍。陪游殊北门，稽典轶东观。交勉抒丹诚，宁徒濡紫翰。”

刑部尚书臣张照得墨字：“天禄成云亭，经郭辟香域。知印重黄扉，为龙下紫极。词猗玉井莲，翰泼金壶墨。瑶札开日华，文机效花织。咸歌元首康，宜竭股肱力。巨笔乏颜筋，苕华辱镌勒。”

工部尚书臣汪由敦得林字：“瀛沼文章囿，蓬山道德林。论思寅亮重，著作职司钦。秘署新云构，奎舆贲日临。仙毫挥禹篆，圣藻协虞琴。列座沾需泽，分笺属雅吟。荣因稽古力，赓拜奉徽箴。

左都御史臣刘统勋得诵字：“词垣栋宇新，天笔龙鸾纵。地接五云多，人仰三台共。雍容大驾临，左右元臣从。宾筵周礼陈，韵字唐贤用。颺言到众僚，纪事听輿诵。允矣毓珪璋，休哉兴雅颂。”

吏部侍郎巨阿克敦得诗字：“文槐云际起，彩仗日边移。天什披瑶检，恩波溢凤池。图畴开圣统，礼乐及昌期。宠锡夔龙佐，文联班马词。持衡惭厥职，珥笔忆当时。燕乐承君祝，同歌保定诗。”

户部侍郎臣梁诗正得闻字：“秘苑新苞茂，清时洽轨文。领才资硕辅，优礼荷明君。燕酒周王藻，鸾旗鲁泮芹。题瞻重璧合，韵许列仙分。帝曜辉丹地，奎躔丽锦雯。湘滕增故事，盛典越前闻。”

仓场侍郎臣彭树葵得国字：“册府庆重新，堂廉赓一德。雍容侍从才，郑重清华职。鳌禁灿星躔，兰台依斗极。深严凤来仪，峻耸鸟斯革。彩仗蔼穆纁，薰歌垂丽则。宁惟异数夸，矢报期华国。”

兵部侍郎臣陈惠华得政字：“西清文囿开，东辟奎躔映。孔曼焕离明，来游宣巽命。风华首盛朝，劝相美王政。龙画灿璇题，天浆挹斗柄。槐厅湛露歌，藜阁斯干咏。三爵秩宏仪，千秋逢主圣。”

刑部侍郎良巨钱陈群得讲字：“轮奂起奎垣，螭鳌迎御棒。向荣柯发条，濬脉井通港。周孔会精神，尧汤齐背项。山辉玉韞烟，川媚珠胎蚌。吁俊重旁招，论思资坐讲。所希均化炉，俗厚销争鬻。”

工部侍郎巨德龄得易字：“人文庆化成，石渠焕新宅。圣日亲降临，台星领仙籍。弼谐襄禹谟，幽赞研羲易。英茂动金厢，云罍罗绮席。九重深念典，寮采思无斁。湛湛露斯零，柯亭森翠柏。”

工部侍郎臣吕炽得见字：“文教首蓬瀛，鸿仪今创见。奎坡楹桷新，琼牖星云绚。厅树颷龙旂，亭波涵雉扇。欣瞻日采临，特重珠衡眷。雅韵发金声，华筵罗玉饌。卿僚载拜赓，千古传词院。”

内阁学士臣宗室塞尔赫得天字：“美焕瞻新署，温纶锡九天。洪颐森羽卫，清珮萃班联。仙榜云霞烂，宸章日月悬。馨承颁玉醴，荣忝立花砖。载颂逾三祝，兴歌叶五弦。升平叨盛遇，宁数撒金莲。”

内阁学士臣德新得心字：“省署森丹雘，钧衡简帝心。堂开纷积玉，榜列灿垂金。锵珮儒巨集，和銮圣主临。雕盘分御饌，鸿藻谐瑶琴。共听薰风奏，群赓晨露吟。承恩重二老，由豫盍冠簪。”

内阁学士臣秦蕙田得位字：“垂裳邳治昌，建极文思贲。洵直叶风诗，殊荣光鼎位。羲文纬壁辉，舜日金坡被。沆瀣泛瑶卮，韶咸谐凤吹。恩涵刘井深，化与瀛壖暨。染翰职丝纶，铭心拜嘉赐。”

副都御史臣励宗万得窃字：“帝策运昌明，词林地清切。丹青韦壮观，杞梓俨成列。光华云日昭，恩数古今绝。韶许百僚分，醴因元老设。两者历追陪，三世重叨窃。报称夫如何，低徊缅曩哲。”

通政使巨敷文得和字：“翬翼占奎朗，鸾鸣协景和。盛仪班玉陛，清跸驻奎坡。署迥金华烂，池深鱼藻多。鸿恩荣辅弼，燕喜集簪珂。霄露诗堪比，阳春节乍遇。小臣司献纳，大化咏菁莪。”

通政使臣张若霁得羹字：“华省葺初成，鸾台听辘声。九天瞻黼绣，六琯奏韶茎。露向毫端湛，春从句里生。诗分燕国字，礼重傅岩羹。旷典光图牒，群材萃盛明。小臣惭接武，两代沐恩荣。”

大理寺卿臣嵩寿得重字：“睿泽逮仙班，元衡恩礼重。广储梁栋材，曰惟舟楫用。的_的八砖明，深沈三馆共。推诚远迈唐，题署还超宋。欣睹翠华来，得叨_的簪笔从。卷阿愧失音，愿效王褒颂。”

詹事臣张鹏翮得恩字：“仙禁新丹采，龙墀赉紫轩。百年文际盛，二老德弥_淳。宴乐隆仪备，图球至教尊。璇题联象纬，睿思蕴乾坤。苑树先春气，宫袍得酒痕。小臣蒙眷渥，分韵亦沾恩。”

太仆寺卿臣刘纶得叨字：“蓬馆迎仙仗，尧觞许共叨。筑堤延上相，珥笔列词曹。奎署_的清切，龙章荷宠褒。诗征群玉府，乐谱八琅敖。砖影移瑶席，_的香覆缙袍。愿言铭盛轨，虞_的扞戴瀛鰲。”

金都御史臣嵇璜得醉字：“兰台望崇严，芸馆职清秘。宏规焕木天，御气通丹地。奎壁炳台衡，云霄纤日辔。帝歌鸣凤仪，宸笔翔鸾贲。宴衍颂那居，礼成欢既醉。馆规拓前编，仙籍资新记。蔼蔼盼槐厅，祥烟郁深翠。”

少詹事臣裘日修得酒字：“瀛池俨跨虹，蓬观屹连斗。丽日拥冠裳，清风开户牖。焜煌璇榜书，_的雕筵酒。道义光三辰，缥缈罗二酉。雍雍趋末阶，穆穆瞻圣后。许国有寸心，相将期不朽。”

侍读学士臣世臣得深字：“熙朝文治洽，圣主右文深。壁府图书焕，芸台法从临。群仙赓雅什，一德赞天谶。玉_的盈尧舜。金徽叶舜琴。叨荣逾往古，勉学愧分阴。忝窃无由报，题辞罄末忱。”

侍读学士臣于振得载字：“红泉耀星楣，紫气迎仙队。垫苑庆遭逢，宸襟欣茂对。堂深香穗凝，_的行云碍。宝墨焕晴霞，_的浮碧。岂惟重鹓鸾，良以优鼎湘。微臣职起居，纪录光前载。”

侍读学士巨陈邦彦得歌字：“桂苑宏规迥，瀛洲翠辇过。双
题日月丽，五字锦云罗。班坐开嘉宴，分曹奏短歌，礼从耆德重，
恩被侍臣多。迟暮依青锁，追陪振玉珂。染毫赓喜起，拜手诵卷
阿。”

侍读学士巨涂逢震得春字：“西山开秘苑，甲观敞重闉。五
纬奎文聚，三阶庆泽新。上公同授简，庶寮共垂绅。笺为题诗
壁，思沾醉酒均。天香分玉案，绮席错花茵。献寿随簪笏，同赓
亿万春。”

祭酒臣崔纪得兴字：“论道重三台，崇儒临万乘。雕楹贺燕
翔，藻井文虹亘。镐宴酌金罍，虞谐调玉磬。参差花影移，礼纓
云祥应。幸际代明良，弥祈天保定。相将赞治机，讵比吟春兴。”

侍读巨双庆得曲字：“兰省驻宸輿，琼筵征雅曲。絃瀛圣化
咸，霖雨台臣属。秀彩结华轮，雕甍迎瑞旭。典坟政所资，德义
心斯沃。梁水戢鸳鸯，金台罗骏驥。登瀛愧匪材，敬业期深勗。”

侍讲巨观保得情字：“万几馀暇日，芸署葺初成。葭管缙庐
寂，寒花辇路荣。尧年甲子始，舜乐应钟鸣。良辅方联鼎，诸臣
共献觥。酝颁天泽美，壁映彩毫横。掌故传鸿典，康哉洽圣情。”

中允巨于敏中得竭字：“香浮白虎樽，云护苍龙阙。明良际
泰阶，替辟传阳月。班依宝仗分，榜启银钩揭。恩光浹鼎台，宸
咏联簪笏。题标丽正诗，盛纪蓬莱碣。宠荣被词臣，勉矢涓埃
竭。”

中允臣董邦达得为字：“梓材贵邓林，绮组荣金匱。彩映上
台星，光分香案吏。和羹袞秀联，受爵簪裾萃。奎斗丽飞甍，云
烟笼宝字。仰思圣主恩，俯益愚臣愧。古训期服膺，已入审所
为。”

赞善臣宋楠得知字：“玉虎传纶綍，金门盛羽仪。自天飞翠
盖，就日捧瑶卮。论道敦耆旧，敷言广训辞。风清鹄鹄观，人在
凤凰池。恩湛三霄露，文惭五色丝。圣颜瞻有喜，应许侍臣知。”

御制得音字：“木天临翠辇，鹓侣集华簪。广学心常切，因文道可寻。横汾阴岂昔，来泮水犹今。礼乐于斯盛，觥罍取次斟。诗惭得珍字，辞喜献官箴。返辔重城暮，犹闻歌颂音。”

御制：重开甲子文治昌，佐文赞治资贤良大学士伯臣鄂尔泰。以圣继圣垂经常大学士伯臣张廷玉，於赫太上示清行大学士臣福敏。绳武弼基 繫我皇大学士臣陈世倌，四聪四目开明堂大学士臣史贻直。野无遗贤始悦康礼部尚书臣任兰枝， 榘楠杞梓松柏桑兵部尚书臣彭维新。珣开琪映 璆琳瑯刑部尚书臣张照，从龙从虎云凤翔工部尚书臣汪由敦。葭徵玉管迨初阳左都御史臣刘统勋，集贤落成隆桷 宋吏部侍郎臣阿克敦。连延 岿峯以辉煌户部侍郎臣梁诗正，老槐蔽景绿庭廊仓场侍郎臣彭树葵。夺暑却寒温又凉兵部侍郎臣王承尧，法度既备丹 墀彰兵部侍郎臣陈惠华。淳诲故老宜徜徉刑部侍郎臣钱陈群，展也宴寝凝清香工部侍郎臣德龄。将作 人奏报克襄工部侍郎臣吕炽，帝曰朕其鸿厥庆内阁学士臣宗室塞尔赫。来游来歌雅所藏内阁学士臣德新，况今二老民之望内阁学士臣秦蕙田。爰飞神翰拂缣 緙副都御史臣励宗万，金壶墨沈流淋漓宗人府府丞 巨任启运。璇题双贲日月光通政使臣敷文，仙毫雄健摆磅礴通政使臣张若霭。笔势一落千丈强大理寺卿臣嵩寿，劲力外爽神内藏詹事巨张鹏 翮。点蹲芒玉 璚迴冈太仆寺卿臣刘纶，金 薤倒披贯柳鲂金都御史臣嵇璜。鸾鹤交翥上银潢左通政臣张映辰，烟云舒卷难形相右通政臣邓时敏。荣光属天莫可量少 詹事臣裘曰修，未许常侍拟登 牀侍读学士臣世臣。飞白赐苏让美芳侍读学士臣于振，矧乃仙巢署苍 簑侍读学士臣陈邦彦。吉日庚午日之刚侍读学士巨涂逢震 遂移天 屣下闾 闾侍读学士臣龚渤。警蹕骇陔陛 榘郎祭酒巨鄂容安，龙鸾和铃铿复锵祭酒臣崔纪。杨金 鏤而拖玉镶四译馆少卿臣余 棟，云 卑俾 允导纁 纁顺天府府丞臣郑其储。叶叶秀文覆仪 鎗太仆寺少卿臣陈其凝，纷敷旖旎从风扬鸿 胪寺卿臣梅穀成。历天捎星耀日芒光禄寺少卿臣窦启瑛，紫烟煜爚御道黄庶子臣周

资陈。瀛池俨立千鸳鸯侍读臣双庆，金紫银艾簪截肪侍读臣周玉章。人门升阶和庄侍讲臣观保，吉辉真气溢圆方侍讲臣双顶。六章五采葱衡抡谕德臣兴泰，如天启门日在房洗马臣李丈锐。冯翼孝德 詹順邛 候补洗马臣陆宗楷，王多吉士咸对敷中允臣于敏中。尊师六拜谒素王中允臣董邦达，回过刘井憩东厢赞善臣宋楠。昌黎文伯社兹乡司业臣鹤年，北门学士奠椒浆司业臣陈世烈。编钟击鼓韶 薄纲左参议臣薄海，崇牙树羽 虞趙 趙右参议臣吴应枚。高管嗽啸龙耶鳳编修臣阮学濬，象凤翼笙班管长编修臣僧格勒。玫瑰作柱朱丝张编修臣沈文镐， 翻翥繁 會相低昂检讨臣钟音。绕风停云慨矣慷编修臣陆嘉颖，人声谐律相和倡编修臣白瀛。分 刳节度穷窈茫编修臣周煌，欣与人心犁然当编修臣路斯道。鸟为 拊翼鱼闻防检讨臣德保，如轩张乐洞庭旁编修臣秦勇均。元臣稽首鸣 珩璜检讨臣周长发，敬上千秋万岁觞编修臣周正思。于胥乐兮无怠荒编修臣柏谦，一献百拜礼则详编修臣张映斗。朱虎熊 罴与 豸 旻编修巨任端书，雍雍肃肃济济跽编修臣林蒲封。炊金饌玉出禁坊编修巨万年茂，太清红云员峤霜编修臣李龙官。翠涛 醪醕 醢醢 醢编修臣曹秀先 粬 救蜜餌有 饘饍检讨臣韩彦曾。猩唇 旄约隼翠 麝检讨臣周礼 越骆菌和 阳朴姜检讨臣郭肇 饌。江桔梦袖常山棠编修臣钱琦，远方口实导择将编修臣董泰。鼎中变化尹对汤编修臣宋邦绥，微纤精妙大官湘编修臣姚廷佑。炙三弋五应未尝编修臣叶西，帝歌卿云宫绕商编修臣王居正。八伯咸进拜手杨编修巨汪师韩，韵得燕公五字章编修臣金相。联吟更仿汉柏梁编修臣孙人龙，式瞻天藻萃圭璋编修臣潘乙震。圆龙方虎排明珰编修臣杨述曾，日星胸回锦绣肠编修臣徐景熹，熏风晨露相领 颀编修臣汤大绅，烛龙衔曜光四 场检讨臣廖鸿章。冲波激岳声 嶙嶙编修巨蔡扬宗，昭融至道若雨旸编修臣王觉莲。天光下济濡 莢芒给事中臣钟衡，五色秀华流戴匡给事中臣程钟彦。披条振藻六艺场给事中臣杨二酉，风雷鼓舞物苍苍给事中臣程盛修。镌勒琬琰传胶庠给事中臣王兴

吾，流播乐府谐笙簧给事中臣周祖荣。从臣才艺花发 葛给事中臣邹一桂 駉 骀步龙腾骧给事中臣胡定。蓬莱望见风引 橘给事中马宏琦，桃开郁水满磅 磳监察御史臣包祚永。圣涯游泳涵 紃沧监察御史臣李清芳，森不可即空傍徨监察御史臣孙 瀛。乃知天文元气航监察御史臣吴文焕，圣处不须一苇杭监察御史臣张汉。雕虫篆刻宜慚惶监察御史臣冯秉仁，赵玉五重厠匏 瓠监察御史臣范咸。分 爨立仗老肃爽监察御史臣张孝程，泰华千 仞登跛牂监察御史臣杨开鼎。学优得文愧应 场监察御史臣冯元钦，春兰秋菊杂藏 蓂监察御史臣欧堪善。风松奚用引 蛎蟪监察御史臣沈景澜，迫窘迁屈走 踣僵监察御史臣沈廷芳。愿归夜读发青箱庶吉士臣邵齐 焘 攷獻二西罗三仓庶吉士臣窦光 鼐。天禄石渠居就粮庶吉士臣凌镐，易参肃弼诗申荃庶吉士臣罗暹春。斟羹 哢截饴膏粱庶吉士臣田 沆 研味道 朕弃 粃糠庶吉士臣胡泽清。博闻为馈贫之 粮庶吉士臣王世仕，学海万里去鸣榔庶吉士臣王太岳。珊瑚结网丽 鲨鰐庶吉士臣朱 棖宁甘决起抢榆枋庶吉士臣张泰开。不离省 闕希文强庶吉士臣姚范，温恭朝夕莫或遑庶吉士臣刘炳。烟霞泼濯玉雪装庶吉士臣孙廷槐，效愚千虑一赞勳庶吉士臣朱佩莲。中夜起舞不能忘庶吉士臣德保，圣人端拱垂衣裳庶吉士臣蔡时田。调和玉烛握珠囊庶吉士臣徐玮 淳风 沕穆恩 滂洋庶吉士臣经闻，铃辖不动矢直狼庶吉士臣王铤，化被万国通狼肮庶吉士臣杜若拙。远致赤兔来白 獐庶吉士臣盛格，不但蛮狄与戎 儿庶吉士臣顾汝修。皇仁旁 鸷风泱泱庶吉士臣戈岱，上天降半岁其 穰庶吉士臣刘锡 龄。六气无易盛德 禔庶吉士臣 闾循琦，十雨五风绝旱蝗庶吉士臣觉罗奉宽。引恬引养无胥戕庶吉士臣惠元士，际兹休明敢不 獲庶吉士臣金洪。旁招俊 猷匪其彭庶吉士臣蒋辰祥，涣群元吉马匹亡庶吉士臣丛中芷。 橘徕服兮甘在瓢庶吉士臣周孔从，素丝五絨风羔羊庶吉士臣王康佐。朝 黻永无 鹈味妨庶吉士 臣廖芳莲，泰交一德凜复惶庶吉士臣陈桂洲。永膺万福储千祥庶吉士臣熊为霖，天人和乐未渠央庶吉士臣黄遇隆。冬

日晏温下红墙庶吉士臣熊元龙，戛然清韵传风 篁庶吉士臣张日誉。六龙回跋摇镂锡庶吉士巨陆树本，拜送遥瞻豹尾枪庶吉士臣周人骐。都人抃舞喜若狂庶吉士臣周 焘，作歌赓拜追虞唐庶吉士臣程景伊。不数横汾与长杨庶吉士臣 邛柱，蓼彼萧斯零露灑庶吉士臣陈大 喙。恩深如海奚以偿庶吉士臣出科联，玉堂盛事垂无疆庶吉士臣储麟趾。

御制是日复得诗四首，并示诸臣：“欢腾芸署小阳春，此日崇文引席珍。顾我惭为房杜主，岂伊独数马邹臣。石渠典故应增旧，壁宿光华更睹新。影丽花砖争到八，尽教沾醉酒三巡。”“瑞旭瞳 眈霏扇鸾，筵开翰墨会衣冠。五车四库从来纪，刘井柯亭取次看。玉版挥毫盈凤沼，花瓷赐茗 擘龙团。济川自古资舟楫，便欲因寻学海澜。”“昌辰天禄集鹄联，欣咏斯干小雅篇。鸟革 翬飞跻君子 诵《诗》讲《易》共高贤。光凝 黼座垂华藻，篆绕猊炉散瑞烟。咫尺玉堂清切地，底夸瀛岛说登仙。”“百年礼乐庆昭融，保泰常持惕若衷。漫以新诗鸣豫大，谁将忠告赞钦崇。傅岩梦赉应无藉，唐室虞歌讶许同。心喜百僚知我意，不将高议谗升中。”御注 按《唐书》张说倡封禅议 帝召说与礼官学士置酒集仙殿 云云。故其时诸巨诗中有“高议待升中，又将陪玉泥”之句。夫以崇儒之雅举 隐遂满盈之私志 非朕所取 惟是兢兢业业 与日俱长 颂不如规，我君臣其共勉之。

大学士臣鄂尔泰、臣张廷玉等奏：“伏惟殊荣贲於册府，睿藻辉煌；恺泽沛于词林，恩华稠叠。旷千秋而纪盛，偕庶尹以腾欢。钦惟皇上濬哲性成，钦明光被，接羲轩尧舜之统，德乃日新；揽星云河岳之文，圣由天纵。璿 玑斡运，际甲子之重开；宝箓迎祥，继雍熙之累洽。丕焕右文之典，用彰稽古之荣。 纂是词垣，素称清秩，本崇政集贤之重地，沿迓英丽正之遗规。朴 斲宜勤，栋隆惟吉。爰颁 巽命，俾予鼎新。藻井芝 栴，郁虹梁之特起；璇题宝画，揭凤榜以高悬。亭号瀛洲，真成方峤；地连华盖，名称玉堂。属

广厦之初成，展钩陈而凤驾。帝车纓軫，光临奎壁之垣；日 晷腾辉，彩彻台阶之次。鹓行云拥，屹 黼座以中开，豹尾星陈，启琼筵而肆设。云璈锦瑟，聆广乐于钧天；翠釜金 罍，酌衢尊于丹地。摘章宠示，韵分燕国之篇；染翰联吟，制仿西京之体。金声玉振，集条理之大成；乾端坤倪，冠苞符而首出。镌诸琬琰，掩八伯之咸歌；述考縹緲，陋三侯之成咏。斯文极盛，振古希闻。巨等遭昌期，叨尘秘省。仰王言之郑重，勉效论思；诵睿制以惊惶，多惭寅亮。戴巍巍之至德，莫申天保报上之忱；思蔼蔼之吉人，共志卷阿来游之盛。宠深逾分，感极难名。凡兹与宴诸臣，共喜普沾异数。在昔 纁袍莲炬，尚焜耀于 曩编；与夫玉署金銮，第铺张於往载。岂如今日，覃被恩施，寻巢犹记凤池，同荷需云之渥；释 屣甫来芸馆，均瞻复旦之华。拜稽窃附於歌虞，醉饱还逾于宴镐。波添瀛海，恩重 鼇山。惟当共赞夫休明，冀以稍酬於高厚。所有感激微忱，理合公同，具疏恭谢，伏乞圣鉴施行。”

臣等窃惟从古治朝，必隆文学侍从之职。汉时天禄、石渠、承明、金马，皆称著作之庭。唐开元中初置翰林院，历代相沿，其选益重，而恩礼亦愈优，前史所传，莫可殫述。谨按前代帝王，临幸词苑，自唐已然，至宋尤盛。太宗雅尚文儒，太平兴国中御书飞白“玉堂之署”赐学士苏易简，行幸其苑，古今以为美谈。其后绍兴、淳熙间屡幸秘书省，宴赉弥厚。前代永、宣二朝，幸文渊阁，并至史馆。然考其时， 銮坡、秘省，皆在掖垣之内。国初太宗文皇帝、世祖章皇帝屡幸内院，披寻典坟， 谘访治道，而其时内三院亦尚在禁中。夫以兰台芸馆，环拱於紫微太乙之旁，迎天光而停日御，荣莫大焉。若院署之在长安左门外者，则臣僚公 廨非敢望乘輿之及也。惟兹景运方升，文明大启，栋隆既竣，玉趾亲临，扬 葆 佾於槐厅，导鼓吹於凤沼。尧樽遍酌，禹膳均颁，乐奏九成，礼隆三爵。倡熏风之睿藻，继卷阿而矢音。凡官翰林者，既得 陪席赓扬，载亲色笑，而内阁学士臣塞尔赫以宗室能诗，特命

人三十八人之内，尤盛事之可传者。堂哉皇哉，自载籍以来，未有着顾儒林，普遍优渥，若斯之隆者也。一时与宴诸臣，鼓舞称庆，拜赐阙廷。其年适遇宾兴皇华，衔命之臣，道路传闻，咸有每怀靡及之虑，都门人士，顾瞻玉堂，如在天上。而四方草泽汲古嗜学之儒，且弹冠色喜，以为千载一时不可逢之嘉会也，洵足以示后世而垂无穷也已。臣等编辑盛典既成，恭识数语於简末。虽於圣天子振兴文教、崇儒劝学之盛心不足窥见万一，而遭际圣明，道扬盛美，则窃有深幸焉。谨跋。

卷二

官制附詹事府

翰林之名，見於漢時，未以署官，特作賦者假喻于文辭云爾。唐翰林院，初本儒臣文學供奉待詔之所，至開元中始設學士，亦無定員，皆以他官選充。宋、元及明相沿代置，品秩、名數亦隨時不同。唐翰林學士外，先有弘文、集賢學士、大學士。宋資政、觀文、天章、龍圖之設則視乎唐，明華蓋、謹身、文淵、東閣之稱又視乎宋，而明初左右春坊亦置大學士。自成祖以翰林官直文淵閣，故翰林以閣中為內署，又與詹事互兼職業，是以三署相通。若夫唐之翰林學士，或知制誥，或不知制誥；宋學士知制誥與中書舍人分為兩制者，則自後晉始。唐之講、讀學士皆不系翰林，其系以翰林者，則自宋始。宋之檢討、編修、史院及他司皆有之，而翰林則無，後獨歸于翰林者，則自明始。至如唐、宋宮僚輕於翰林，明則庶子、中贊為修撰、編檢之遷階，謂之開坊，以詹事為學士之晉秩，謂之出院。唐、宋翰林乞郡出外，得以原官結銜，明則改官，不得帶帖。唐、宋校理館職，雖進士上第，未即銓除，必由記室幕僚仕於州縣者召試而得，明則鼎甲三人即授修撰、編修，而庶吉士留院者便已授職。唐、宋應奉直院權直之號，至明盡除，而有五經博士、侍書之目，與庶吉士之選。此其沿革之大凡，古今之殊致矣。魏、晉以來，置秘書、中書、著作，江左、唐、宋具有

其官，唐设起居郎、舍人，史馆领在门下。宋则国史有院，著作有局，皆通於秘书省，虽官异翰林，而事实相近。至明代官从并省，统归翰林，讲、读以上则同古之两制，侍从、修撰而下则同古之秘书、著作，而史职系焉。自是翰林员品有定。皇朝叙官，初以内阁翰林之职统於内三院，历经圣神裁定，内设殿阁大学士，外设翰林院，官制大备。至詹事、春坊，始亦议裁，寻并复焉。其与翰林院相通互兼，具垂令典，因附著於篇。

汉

汉武帝初征贤良文学，待诏金马门。《汉书》

汉武帝建藏书之策，置写书之官。同上

汉置五经博士。同上

后汉

后汉东观有校书之职，选他官典校秘书，撰述传记。《通典》

后汉著作皆以他官领。同上

后汉光和元年，置鸿都门学士。《后汉书》

后汉延熹二年，始置秘书监一人。《通志》

按汉时翰林未有定职，然后世翰林待诏、博士、学士之名已始於此。《翰林志》云武帝时东、马、严、枚皆在左右，亦其事也。

魏

魏武帝置秘书令、丞、秘书郎。《通典》

魏文帝置中书令，改秘书令为监。《通志》

按后世以入翰林为读中秘书，考汉藏书之所石渠、石室、延阁、广内则在外府，兰台、秘书及麒麟、天禄则在内禁，为御史中丞所掌。刘向又言外有太常博士之藏，而后汉图书则在东观。魏改汉兰台令曰秘书，又改中书。至晋以中书统秘书，武帝以秘书借张华读之，所云读中秘书者，盖引此为故实也。

魏明帝青龙四年四月，置崇文观，征善属文者以充之。《三国志》

晋

晋武帝以秘书并中书省。《晋书》

晋永平中复置秘书监，其属有丞有郎，统著作省，著作郎一人，又置著作佐郎八人。同上

东晋

东晋元帝建武元年十一月，置史官。同上

宋

宋置秘书、著作与晋同。《通典》

宋明帝泰始六年九月，立总明观，征学士以充之。《宋书》

齐

齐置秘书监、丞、郎、著作佐郎员额悉如宋。《齐书》

梁

梁置中书省监、令各一人，秘书省监、丞各一人，郎四人。

《文献通考》

按晋中书令管机务，盖宰相之任，而秘书、著作统焉。六朝、唐、宋沿之不改，即明大学士统翰林院，而翰林所为人阁办事亦仿於此。

陈

陈承梁，仍各设侍从、文章、制命、典籍之职。《古今图书集成》

按典籍名始此

陈永定三年闰四月，置西省学士。《陈书》

北魏

北魏太和十五年，置左右史官。《魏书》

北魏置起居令史。《文献通考》

按起居注始於汉时。宋林圀云，汉武有禁中起居注，东汉明德马后撰明帝起居注，本宫中文史之任。《三国志》注引汉献帝起居注，则近侍为之。《通典》云魏晋起居注，著作郎掌之，隋初